







原件短缺

缺目錄



宛陵先生文集卷第三十七

與二弟過溪至廣教蘭若



溪水今尚淺涉馬不及羈岸口出近郭野徑通平  
田行行渡小橋泱泱響細泉萬木陰古殿一燈明  
象筵長廊顏頽碑字體家法傳空堂裴相真白髯  
垂過咽名跡兩不滅豈獨畫與鑿高僧鑿崖腹建  
閣將雲連祕此龍鸞迹足使臣僕虔脩竹間長松  
森衛若被堅是必神物護禹穴空歲年飯訖還山  
後井傍携茗煎探幽偶轉谷忽視昭亭巔蔓草不  
識名步側時得牽幽禽聲各異可辨唯杜鵑似鷺



俗客來聒聒兩耳邊弊廬隔城堞畏暮遽言還道  
逢張羅歸鳥媒兼死懸遂同山梁雉令我復喟然  
聊追一日事書以為短篇

晚坐北軒望昭亭山

少客兩京間熟游嵩與華歸來宛溪上厭往昭亭  
下何以厭昭亭裹違倦驅駕况復慙詠歌嘉辭前  
有謝咀嚼在人口甘美如食蔗亦同陶淵明苦語  
近田舍節行固不變出處亦多怕常防惡少年豪  
橫使出跨驍如故將軍尚被亭長罵不若守弊廬  
讀書至中夜

與諸弟及李少府訪廣教文鑒師

山僧邀我輩置酒比陶潛紫蕨老堪食青梅酸不  
嫌野蜂時入座品鳥或窺簷薄暮未能去前溪月  
似鎌

至廣教因尋古石盆寺

古寺近田家山尋石盆差化蟲懸縊女啼驪響繖  
車僧坐樹間石馬行溪畔沙野香無處辨歸路傍

城斜

郡人不知古石盆寺在此山之傍舊基存焉山中  
有井相去可二里豈圖經所傳裴休井歟近城有

石盆寺其側亦云裴相井者恐非是何則杜牧有石盆  
山詩是寺因山名也從近城莫究其由呼盜為盆必風

俗訛也



觀王介夫蒙亭記因記題蒙亭

吾年將五十尚未暇讀易一聞蒙亭說乃見適所  
適維時明進退豈不在泉石野服製升越山庖盛  
雞蹠床頭龍唇琴案上科斗籍風物稍佳時把酒  
會三益況以兄爲郎仕也人豈迫重之愛之深自  
匪逢時客

亢陽和欲行舟者

春秋書閔雨乃見先王制有意在黎民山川無不  
祭今者望雲霓青天絕纖翳爲壇割舒鴈盤血陳  
水泐于時頗精虔奠爵必親況向夕有微陰掃器

還復齋吾聞先儒言陽驕不能閉此時繫穹昊已  
力安所詣宣王雲漢詩曾不鑿上帝恨無泉盪舟  
空自思躍蛟

黃鶯

內家初上翠微宮樹裏窺人在半空笑語漸高無  
約束侍臣偷望向雲中

西鄰少年今出遊東家女兒未識羞門前烏臼葉  
已暗日暮問誰牆上頭

送懷賢上人歸隱靜兼寄達觀禪師

適從山中來復向山中去爲報山中人莫厭山中



住近城塵土多亂爾煙霞趣野蜂銜漆汁尚欲為  
帶固息此可以安其能忘我論

送瑞竹長老歸當塗因寄徐著作

謝傳青山路春來蔓草生樵蘇猶不入瓶錫莫能  
行朝上野舩去宿逢溪雨鳴多應見康樂曾重遠

公名和師承嗣達觀  
徐君頗稱之

鴛

桑間小婦好聲音映葉穿枝意已深盡日呼郎郎  
不應蕭蕭風雨到前林

守宮

嘗聞漢武帝偶聞東方朔巨擬作龍吟無頭上  
角

夏園

夏園甘果熟日覺樹林稀休笑道傍李無人摘自  
肥

孔子廟震宣城

霹靂下虛殿破楹非夢凶昔嘗瞻畫衮今實見升  
龍隱隱雷聲散踈踈霧氣從予知仲尼廟不是蓄  
乖慵

寄酬睦州晏殿丞



渚潭吐明月杳杳及吾廬流彩滿懷袖託情非鳥  
魚朝因南澗雨暮入北畦鋤豈不藉餘潤况茲方  
飢蔬

李仲求寄建溪洪井茶七品云愈少愈佳  
未知嘗何如耳因條而荅之

忽有西山使始遺七品茶末品無水暈六品無沉  
粗五品散雲脚四品浮粟花三品若瓊乳二品罕  
所加絕品不可議甘香焉等差一日嘗一甌六腑  
無昏邪夜枕不得寐月樹聞啼鴉憂來唯覺衰可  
驗唯齒牙動搖有三四妨咀連左車髮亦足驚踈

踈踈點霜華乃思平生游但恨江路賒安得一見  
之煮泉相與誇

送關令之潭州寧鄉

秋風逆水急桂席飛鳥輕三江去雖遠一日行幾  
程朝辭洞庭岸暮抵巴陵城長沙古建國地狹賦  
薄征邑宰愛民者選薦豈非精既曰處民上固當  
知民情民居篁竹間山獠相雜并教道苟未至毫  
髮心起爭太剛易斷折太柔難撐撐貴在得中道  
於焉無近名聞多不祥鳥似鷄何足驚遠方此爲  
常慎勿心屏營賈誼度湘水爲文弔屈平因君寄



盃酒爲我酌賈生

軋明院碧鮮亭

壞衣削髮遠塵垢地祖龍孫生屋後不等渭川千  
戶侯尺椽片瓦何嘗有方丈東頭一畝餘中軒四  
面無牕牖青瓊作枝鈿爲葉丹鳳未食蒼鼠走細  
藤織榻白晝眠寢濃鼻息如雷吼世間百事不歷  
心門外寒流徹溪口

得餘干李尉書錄示唐人干越亭詩因以寄題  
餘水之干越之鄙築基相對琵琶尾琵琶日日有  
秋聲鴈過洞庭風入葦南斗夏湖波不起長刀刻

峯碧耳耳嬌娥夜出在寒溪青銅瑩磨光幾里朝  
因吳客幅蒲輕滿紙如蠶書可喜

南軒盆植重臺蓮移種池

彤雲赤霧生緒房朝霞變紫朱粉光白玉入泥不  
滿盞羽蓋衰露明月瑤濁水一石亂鼃雨鑿池五  
丈如斗方萍根科斗得自在荷芰明年出水央

朝天行

大車高蓋徐方來天子雙日延英開犀靴踏玉陛  
東陞從臣賜對論官市諫官御史如指排捧土未  
能障濁水大夫言幹天關迴黃門白望顏色死始



時暴奪何縱橫有貨晝日不敢行他時五方地當  
酒誰道張郎臨井口

會勝院沃洲亭

前溪夾洲後溪闊風吹細浪龍鱗活孤亭一入野  
氣深松上藤蘿籬上葛葛花葛蔓無斷時女蘿莫  
翦連古枝當年吾叔讀書處夜夜濕螢來復去

江南雜感

樹頭巧婦棲樹下秋蟲織壞衣游子心千里嘗相  
憶蕩子脚出門便作浮萍根憂來憑五兆拜樹賽  
黃豚

依韻和達觀師山中見寄

獼豕在塗龍在澤豺狼食

長柯蹄毛與角不

對齒豕背兩足副以翻既能隱隱住深谷豈使干  
于佩鳴玉水邊看虹山雨霽夜與明月歸獨宿門  
前重嶺後群峯石樓朱殿藏林中銅絲緊轉轆轤  
響絡緯秋老嘍西風榮利淡薄無易此彼飲甘醲  
茲飲水暫將分別向喉舌何異聲色亂眼耳孔孟  
久歿言可師千古布散葉與枝今來閉戶自有趣  
世上法法非我為

送萬諤昌秀才



志士不戀家安能坐吟咀儒冠難徒行馬骨瘦可  
數後僕隔山陂前林遇風雨寒村夜宿時寂默誰  
對語

訪石子澗外兄林亭

前日秋水漲昨日秋水落偶來尋隱居曾未乘宿  
諾竹底除舊徑藤葛繫新約馬留岸傍樹風掃林  
下箨既能置魯酒又復餉楚餼誰知北南澗照影  
似清洛平生愛幽曠歛迹詠

和端式上人十詠

山谷泉

幽谷有飛泉入溪知幾里跳珠濺木葉激雨霏崑  
趾但無箕穎人曾不吝洗耳

古木陰

古木少直枝其下多曲影豈不愛高陰奈此性所  
秉千重葉蒼蒼誰願翫日來

寒溪石

翠篔簹寒溪上半隱寒松下水鳥立稜角淵魚游穴  
罅尋常置庭檻瑣細不知價

孤汀蘋

瀟湘歸去人正值江南春始願逢拾羽今乃見採



蘋寄語柳使君莫恨日已曛

雲際鍾

煙昏青櫟道風急隔溪鍾征馬未及息猛虎前有蹤尋聲欲投宿僮僕畏所逢

垂崖鞭

崖竹出石壁根瘦懸青虵磔髯露老節斫骨點寒花少年莫翦去騎殺白臯駟

天外峯

天外一尺峯國中千仞岳重雲不掩蔽萬里見頭角世人看遠碧誰識產美璞

秋原菊

不爲潭上英不助籬邊醉獨占蘭杞隣原頭自榮悴陶令與太鑿逢人豈無意

漁舟火

蘆洲一點明知有漁人泊江溟杳不分誰方在高閣是時孤鴈去應認光中落

春溪水

春水冰欲開傍岸已微釋魚寒未動鱗獸渡時有跡篙師畏割舟敲拉碎圭璧

十月二十一日得許昌晏相公書



哀憂向二年朋戚誰與書敢意大丞相尺題傳義  
廬從來鳳凰鳴不厭寒竹踈茂林多翔鳥要路盛  
高車窮巷一如此江深無鯉魚

訪施八評事

施兄今七十近郭隱茅廬懶問齊民術喜看莊叟  
書竹間鳴澗水原際見村墟識盡窮通理超然樂  
有餘

贈陳無逸秀才

良犬不取鼠其人苦尤之近識固未辨善相义能  
知在鹿忘守穴控足乃馬而士有志功名局縮乘

書詩憔悴未得展磬折忽言卑舉酒一以贈願無  
羞爾爲

題陳宰戲綵亭

仕宦固已羨及親此其難况慕五綵戲而奉興居  
安翁喜君亦喜翁食君亦食嗷嗷園中禽口哺心  
違九邑大歲幸稔衆賴仁政寬還思彼赤子如恐  
君不歡

永慶僧舍松風亭

誰按黃金微滿指清風度但聽松上聲不知松間  
趣野僧何所樂樂此數株樹寧邀俗客來草綠澗



西路

寄松林長老

大松五丈百歲餘小松五尺前時種俱有堅完不  
朽心莫以今輕古為重東溪一片寒玉光夜挂高  
枝何所用

題松林院

靜遠無塵地青燄續燈木魚傳飯鼓山衲見歸  
僧野色寒多霧溪痕夜閣冰吾非謝康樂獨往亦  
何能

北州守王公健寄九嵒亭記云此地疑是

子厚所說萬石亭也因為二百言以答

願當留詠

天地磨今古賢愚為埃塵草樹易變改山川無故  
新春言零陵守白髮駕朱輪問來問遺老俯跡哀  
昔人昔人者誰歟元和前放臣下上窮幽荒憔悴  
楚水濱試觀當此記圖寫未必真最苦來黃溪坐  
石數游鱗有鳥大如鵠東向立不跋始買鈷鉤潭  
鄂杜難計緡冉溪袁家洞亂石多磷磷深里與沸  
白若盡無窮津石渠連崑崙菖蒲被其根窮勝得  
其說眾美誰齊均西澗石為底豈無芹與蘋澗崖



如堂席澗響如龍唇折竹掃陳葉羅榻同衆賓其  
言粲星斗百歲猶比晨萬石乃淺近尚可資覆巾  
而況前所說但恐煩鑄珉

潘樂二君對雪寄聲似欲予賦適方知之

走筆奉呈

南方今見雪北客定思家任凍不欺酒競春先著  
花樓高休厭上山近未應遮誰問窮居日西窓墜  
竹斜

過永慶院

荒涼舊藋若古屋兩三重庭下已無栢澗邊唯有

松石塔生薜荔香座缺芙蓉化俗似禪衲破來縫  
不縫

雪中廖宣城寄酒

輕舟泛泛昭亭灣春雪漫漫昭亭山寒沙曲渚杳  
不辨素鷗翔鷺空中還宣城太守閑窮旅雙壺貯  
醞兵吏頌任從六花壅船戶滿酌春色生衰顏醒  
時但愛雲水好醉後等與天地閑世間取樂各有  
分何必舞娥高髻鬟

翠竹亭

種竹幾千箇結亭三四椽遊人多寂靜啼鳥亦留



連酒有陶公愛林希阮氏賢我來歸路遠躍馬古城邊

彩霓亭

高山嶺頭樹俯窺城下溪半山飛急雨舉手弄晴霓  
曠望已無極萬緣都與齊自嗟來獨晚征棹苦言西

留別樂和之

雪消潭水綠輕舸下灘時漸轉青山去還將故國辭  
野林看欲動江燕欲逢遲君語隨州體余慙晚始知

松風亭

冉冉竹連澗森森松蔭崖始聞清吹度似欲綠琴諧  
莫識主人意休論高士懷春城百花發薜荔上陰階

雪中懷廣教真人

蒼山去不遠日日起寒雲堂上看飛雪水邊思練裙  
銅餅生薄凍桂火獸殘薰欲往有餘興林幽路不分

下赤山嶺過渡至石子澗別施八評事

三歲守廬次兩迴來澗邊臨塘愛魚樂近竹見人



賢今我西歸日逢君小隱年重將車馬去驚起野  
鷗眠

春日拜壠經田家

田家春作日日近丹杏破顰場圃頭南嶺禽過北  
嶺叫高田水入低田流桑牙將綻霧露晝長蚕子未  
浴箱篚收今我還朝固不遠紫宸已夢瞻珠旒

將行賽昭亭祠喜雨

未生潭上雲空望山中雨湛湛陳桂樽坎坎奏鼉  
鼓蕭蕭靈風來蹲蹲祝郎舞莫言春作遲但念  
寒灘阻何當發泉源綠水浸沙渚不與農者期自

將舟人語定作榜歌行暮投丹湖浦瞻祠草樹失  
認嶺煙霞吐平吞東南吳遠帶西北楚川澤見坡  
陀龍蛇蹙鱗脊人經興寤歎事往成前古考碑何  
驗今塗馬立空廡余知骨相貧豈敢望冥許願乘  
溪流深滂沛隨徹俎

若訥上人彈琴

祥哀已踰月遇子彈鳴琴安得不成聲子心異吾  
心十日成笙歌尼父非好音先王禮有節不可過  
於今莫作風入松懷壠情未任一聞流水曲歸思  
在溪陰此焉吾所樂目極送歸禽



發昭亭 二月十三日

春泥深一尺車馬重重跡親舊各還城山川空向  
夕今朝水平岸不畏舟礙磧始隨湍漲發已入青  
蒼壁落日未逢人孤村望來客泱泱漫田流青青  
被壟麥欲霽鳩亂鳴將耕杏先白我無農畝懃千  
里事行役寄謝昭亭神果不吝深澤

乘小舟訪松山法聰上人

我從溪口來正值山前雨濕衣逢梵宮有僧善吳  
語天寒蜜已空軒靜竹可數歸楫難久留汀鷗自  
飛舞

過鴈洲六言

船從鴈洲北去鴈背春風亦歸但見平沙綠水蘆  
蒿荻笋方肥

別達觀文鑒二大士

雲衲山中來畫橈江上發何日到山中山花應未  
歇

依韻和文鑒師贈別

來見寒沙鳥長隨上下波乃知游宦跡不似施松  
蘿子語馬喻馬吾吟柯伐柯清江挂帆去奈憶故  
山何



宛陵先生文集卷第三十七

宛陵先生文集目錄卷第三十八

贈袁大監

和達觀贈別

蕪湖阻風

和達觀文鑒見懷

讀月石屏詩

自此皇祐五年五月至京後

暴雨

和宋中道喜至

齊國公主挽詞

招隱堂寄樂郎中

貸米於如晦

送渭州劉太保

送張洞晏相辟

送張著作宰蘄水

和癭盆

太廟致齋荅韓舍人

送張著宰上元

劉原甫觀相國寺



和裴如晦秋懷  
送張寺丞青幕

送徐秘校廬州監酒

子華江南安撫  
周仲章潤州倅

弟著作宰南陵  
和鄰幾有菊無酒

五知堂  
贈陳孝子庸

和原甫過相國寺淨土院

李端明席上花燭  
送李祠部滑州

送王正仲長官  
廡後木芙蓉

傷驥  
陳丞相燕息園

和普上人古琴  
和胡舍人見唁

題三教圓通堂  
設膾示坐客

杜挺之新得和州  
鄰幾邀食餛飩

幽廟  
十月十八日

送鄞宰王殿丞  
金陵與張傳師飲

阻風寄刁安國  
阻風秦淮

江上遇雷雨  
登瓜步山

目錄終



宛陵先生文集卷第三十八

贈袁大監

人以祿爲榮當知身所重祿榮身且勞豈要權衡  
用達人唯止足曷顧百鍾俸今朝西山歸芝木不  
須種莊生逸老言此必久已誦矩法况自持推年  
心可縱

依韻和達觀禪師贈別

平生少壯日百事牽於情今年輒五十所向唯直  
誠旣不慕富貴亦不防巧傾寧爲目前利寧愛身  
後名文史玩朝夕操行蹈賢英下不以傲接上不



以意迎衆人欣立異此心常自平譬如先後花結  
實秋共成趙壹雖空囊鄭子豈其卿二人貧且隱  
高譽動天京我蹟固尚賤我道未嘗輕力遵仁義  
塗曷畏萬里程安能苟榮祿擾擾復營營近因喪  
已除偶得存餘生強欲活妻子勉焉事徂征徂征  
江浦上鷗鳥莫相驚

蕪湖阻風

春風任惡花自笑白浪不愁頭已白戢戢大船江  
浦邊崑崙五兩誰非客

依韻和達觀文鑒雨中見懷

出浦候波平石尤風未止密雨長蒲牙輕泥隨燕  
子寒侵遠客衣岸起新痕水各各欲還山還山能  
幾里

讀月石屏詩

自此起皇祐三  
年五月至京後

余觀二人作詩論月石月在天上石在山下安得  
石上有月蹟至矣歐陽公知不可詰不竟述欲使  
來者默自釋蘇子苦豪邁何用強引犀角蚌蛤巧  
擗析犀蛤動活有情想石無情想已非的吾謂此  
石之蹟雖似月不能行天成紀曆曾無纖毫光不  
若燈照夕徒爲頑璞一片圓溫潤又不似圭璧乃



有桂樹獨扶踈常娥玉兔了莫覓無此等物豈可  
靈祗以爲屏安足惜吾嗟才薄不復詠略評二詩  
庶有益

暴雨

雲薄風回雨點麓日腥土氣隨  
吸呼蒸然襲汗猶揮珠屋瓦裂響波生  
渠森森斗覺涼侵膚毛根癩瘵粟匝軀  
已知燠寒變須臾雷電不止投笑壺  
槐端漏影日向晡馬蹄莫惜行泥塗

和宋中道喜至次用其韻

予從江南來見子東浦襟問子何不治子兄游洛

瀕子素樂文字而復養慈親去年始陞朝差差陪  
縉紳今也與吾肩行立笑語頻未經鬢髮改喜預  
班綴新思如曩時會浩飲不計巡往謁持約史文  
辭媿彬彬謂將一乘粟欲敵千箱困然而澤中蛇  
時得龍一鱗况復周孔教幸逢舜禹辰又究志所  
之茲學豈不臻誰其起子者視子爲席珍趨韓亦  
已工比孟猶欠淳慎勿驚怪竒怪竒世多擯吾慙  
遼東豕未見西狩麟汨汨塵泥間曷辨玉與珉昨  
來忽有知所索非所循使焉轉磨衡安得目不眴  
誠聞苑囿美難遣麋鹿馴自惟體衰茶寧堪事艱



辛宜收踏蹬迹却返江湖濱浸脛水活活漫灘石  
磷磷垂釣紅鬢登舉袂白羽振以此全吾性胡能  
往問津非同子少年柯葉正萋萋

齊國大長公主挽詞二首

賢行聞當世尊隆異故常每令夫結友不爲子求  
郎夜月初沉海姑星忽墮潢臨門親祖祭悲吹起  
脩岡

魯館當年盛秦臺此日遙龍歸終合劔鳳去不聞  
簫挽曲方傳薩行輒竟奠椒空餘漢官屬蜀泣送馬  
如潮

招隱堂寄題樂郎中

日哦招隱詩日誦歸田賦未嘗見芸人勇拋冠冕  
去今聞縱山陰身退効踈傳一旦從犢車歡言友  
田父復來釣瀾邊誰問袁公路

貧米於如晦

舉家鳴鵝鴈突冷無晨炊大貧西小貧安能不相  
嗟幸存顏氏帖况有陶公詩乞米與乞食皆是前  
人爲

送渭州劉太保

月黑見旄頭芒角漸西向八月邊草黃胡人馬初



壯無奈我兵雄方爲漢偏將嘗聞登壇人亦未免  
得喪得爲凱歌還饒鼓喧亭障干蹄使椎牛百甕  
令設醯饗乃軍之羞節制由處上進退從其呼何  
能求必當二事非已專願思古挾纊

送張推官洞赴晏相公辟

送子居大梁關中乃關外往者邊事繁秦民被災  
害今聞獨豐穰逮埃無動旂相公欲動勞請以臨  
都會多選天下才佐佑如何賴決疑有全策何必  
用著蔡雖病君強行寶刀仍喜帶豈是爲俗儒空  
言事夸大

送張著作器宰蘄水

予聞楚山竹內好髮亦勻隴上風雪飽石根莓苔  
皴搜林前羽橫吹龍子愁水濱作邑尚簡易山豈必蹈  
昔人願爲季長賦安用瑤與珉

和癭盃

物以美好稱或以醜惡用美惡固無然逢時乃亦  
共弃則爲所輕用則爲所重道聞癭木器愛嘗互  
歌頌定應初得之買不論官俸饋面生光輝貯飲  
發狂縱坐欲置於傍行欲挈以從其形何險怪曾  
不因執種凹凸本自然出縮非闢縫薄才難究窮



詆訶茲實恐

太廟致齋答韓舍人簡

齋舍隔墻東蕭蕭槐樹風聲顏雖不接翰墨遽能  
通未說涼堪飲唯愁賦少工此烏知素拙試與問  
楊雄

送張著作孟侯宰上元

天衢車馬跡急若機上梭義雖平生篤不越一再  
過夫子累顧我言歸泛長河得邑美建業風流猶  
可歌依稀江今宅秋草應更多五題誰復詠鍾將  
與嵯峩

劉原甫觀相國寺淨土楊惠之塑像吳道  
子畫文越僧鼓琴閩僧寫真予解其說

吾儕來都下將踰三十春不聞此畫塑想子得亦  
新茲寺臨大道常多車馬塵設如前日手晦昧已  
惑人曷分今與古曷辯偽與真閩緇圖鳳姿越釋  
彈龍唇但知五彩爛徒謂五音淳孰識商聲高孰  
驚眸子神不能評譜品索玉翻得珉二君才調高  
言若羽翮振將令尋常工千歲傳不泯

依韻和裴如晦秋懷

老葉已足蠹風振猶在柯高高低低聲切切感我



多不念四散飛尖圓競相磨當茲思再春宛然同  
俟河莫驚衡山鴈莫問洞庭波徒聞漢武帝獨有  
橫汾歌

送張諷寺丞赴青州幕

朝廷久清明賢相出賢牧賢牧又選賢森森備官  
屬是以邦政脩良農播嘉穀上無租賦逋下有困  
廩蓄往者河朔飢奔送劇鳥驚富公鎮青社有來  
咸鞠育病者調藥劑起者飼餼粥老稚四十萬瘦  
骨生壯肉鄉縣將遣歸田園皆可復爲之置長率  
爲之置黃犢既完身上衣又付橐中粟庭下再拜







履道城中白家宅五橋莊北晉公堂昔年二老曾  
相樂今日五知名獨光舉事是非都不問接花時  
節暫能忙清尊雅曲易為厭自有圖書列在傍

贈陳孝子庸

康州水邊龍母墳草樹蒙蒙起風雨五色五蛇時  
往來野鼠不穴墳上土嗟哉異類猶厚親豈彼人  
兮忘恃怙果生陳子孝且仁終日劬劬在民伍天  
清天順感其和嘉禾駢枝立如股遐鄉歎慕為爾  
隣太守欣言出吾部中州士人傳以夸照頑燥孽  
良有補唯時火德君道明粵南祝融孝所生若然



寧獨一陳生築埃表廬從此數

和原甫同鄰幾過相國寺淨土院因觀楊  
惠之塑吳道子畫聽越僧琴聞僧寫宋賈

二公真

青槐夾馳道方轡下麒麟  
竭來游紺宇歷玩同途  
巡吳畫與楊塑在昔稱絕倫  
深殿留舊迹鮮逢真  
賞人一見如宿遇舉袂自拂塵  
金碧發光彩物象  
生精神歲月雖已深  
竒妙不愧新驚嗟豈無意振  
播還有因乃知至精手安得久  
晦堙二僧感識別  
請以已言陳或彈中散曲或出  
丞相真覽占仍獲

本未枉停車輪

李端明宅花燭席上賦

百兩禮將陳王家集上賓  
花光濃照席燭艷暖迴  
春已接冰壺潤寧辭翠罽  
醇自慙持短調重對玉  
堂人

送李祠部知滑州

自古重名器未嘗輕授人  
煌煌東郡守燦燦兩朱  
輪父祖繼居此恩榮誰與隣  
秋風度河水馬足不生塵

送王正仲長官



汴渠沂復沁自可見遲速來時遲有糧去恨速無  
穀有糧安計程無穀不遑宿霜高萬物枯源水縮  
溪谷黃流半泥沙勢淺見覺澳千里東歸船何日  
下清瀆澹澹風雨寒長汀嘯鴈鷺將投孤戍遙四  
顧危樯獨強語慰妻奴多虞賴僮僕到家秫已收  
綴樹橘始熟折腰無慙陶懷遺焉媿陸我方羨子  
行送望不移目

解後木芙蓉

託根地雖卑凌霜花亦茂物稟固不遷人情自爲  
陋幸與時菊開誰嗟發孤秀楚人舉木末已見離

騷就

傷驥

駑驥同一軌遲速能幾里當其被問時舉策數耳  
耳馳騁心獨存豎抑頭不起空傳八駿名未遇穆  
天子

陳丞相燕息園

少仕旣勤勞暮節念君息小車辭漢庭緇衣賦衛  
國廣園樹嘉木鳴鳥來野色京水魚可縉東陂鴈  
可弋豈不有秦聲酒酣歌在側寧同扶風人自去  
北山北



依韻和普上人古琴見贈

獨爾絲為絃九竅耳為軫彈風松颯颯聽水流泯泯欣者舉袖舞悲者欲涕墮若此輒動人干時固能準虞舜今在上南薰思無盡

依韻和胡舍人見唁

西垣閣老號文雄辭體能兼兩漢風絳帳舊生雖授學灞陵歸將已無功校文豈論居三上賦分由來本下中不恨早朝秋雨急猶陪鴛鴦大明宮

題三教圓通堂

處中最靈智人與天地參其間有佛老曷又推為三共以圓通出誠明自包含排楹墜文礎煥采塗朱藍而將置吾儒復欲籠彼耑二徒不自曉恬若均笑談越鳥不巢北代馬不嘶南固亦辨殊土麟鷲唯時堪

設膾示坐客

汴河西引黃河枝黃流未凍鯉魚肥隨鉤出水賣都市不惜百金持與歸我家少婦磨寶刀破鱗奮鬚如欲飛蕭蕭雲葉落盤回粟粟霜菊為縷衣楚橙作壘香出屋賓朋競至排入扉呼兒便索沃腥酒倒腸飮腹無相譏逡巡鏘竭上馬去意氣不說



西山薇

杜挺之新得和州將出京遺子薪芻豆

魯公馬病不可出陶令言拙徒扣門舉家食粥焉  
用怪但願漉酒巾常存長安休儒勝方朔水邊漂  
母哀王孫王孫功名立四極方朔談談千至尊我  
才不及三二子摧藏自愧趨權閭前時求叔寄秉  
粟一秋已免憂朝昏今君益之薪與菽老馬病骨  
生精魂昨聞新拜歷陽守王國久客風處禪都水  
借船輕復淺急趁寒汴流渾渾耳清眼明見野色  
聽江鶴醒若噴餘糧滯鈍不暇惜均於朋契惟

義博設如河涸膠在步縣邑亦足供雞豚却嗟我  
甌有時匱莫與太倉黃鼠論

江鄰幾邀食餽鈍學書謾成

老肌瘦腹喜食熟况乃十月霜侵膚與君共貧君  
餉我吹葢不學屈大夫前時我膾斫頰鯉滿坐驚  
睨卒笑呼誠知舉筋意淺狹一餐豈計有與無

幽廟

老狐依叢祠妖橫起百怪巢梟助鳴聲穴兔資狡  
獍巫給神靈言俗奏飲食拜三年空禱祈萬疾無  
愈差臙臙日已熾疑畏誰敢懈近者勇丈夫發揭



窟乃壞始時驚其狂今盡喜其快  
瓦茸毛尚存獨使尾徒大廟貌更一新  
願以邪為戒

十月十八日

霜梧葉盡枝影疎井上青絲轉  
轆轤西廂舞娥艷如玉東楮貴郎才  
且都纏頭誰惜萬錢錦映耳自有明月珠  
一為轆轤情不已一為梧桐心不枯此  
心北情日相近卷起飛泉注玉壺

送鄞宰王殿丞

君行問埒鮎殊物可講解一寸明月腹  
中有小碧蠓生意各騰騰黔角容夫夫願  
言寬賦刑越俗久

疲憊

金陵與張十二傳師賞心亭飲

但嗟識君遲不恨春風惡風惡舟未前置酒  
共談謔漁歌還浦頭斜日下洲角明朝渡江去  
相望便成昨

阻風寄刁安國

江風裂瓦鳴浦口驚浪作君駕何不來  
客心空寂寞

阻風秦淮令狐度支寄酒

春風不獨開春木能震浪花高似屋江船  
百尾泊



深灣鐵纜千環繫長軸遠客今朝愁未平主人贈  
榼飲還足前時共論酒可禁急世救弊且勿速我  
今正得盃中趣効陶種秫置心曲

江上遇雷雨

雷從燕尾來雨到江心急挂帆中路時望浦前舟  
入聲喧金豆梨點疾益爾立蕩搖魚鼈腥恐懼兒  
女泣稍聞人好語出顧岸已及蘆州有同行言  
氣吸吸

登瓜步山二首

瓜步山頭廟堂因魏武興亡歸從赤壁事去憶西

陵軍井藏雲杪林根擁石稜微風認江水細甲幾  
千層

山上濃雲合江南暴雨來將歸林下嶺中路遇風  
雷心速灣猶遠行遲伴屢催舟師添繫纜兒女望  
人迴

宛陵先生文集卷第三十八



宛陵先生文集目錄卷第三十九

韓子華遺冰

宣三館觀瑞蓮

和吳冲卿秋蟲

陌上二女

無悔

弔瑞新和尚

和冲卿新葺南齋

江鄰幾遷居

聞刁景純侍女瘡已

景純期原甫飲

永濟倉書事

和幾道暑夜懷寄

和孫侔鴈蕩

赴景純招作將進酒

薛簡肅夫人挽詞

送淮南孫提刑

詠原甫林檎花

送張寺丞富公辟



送淮南李轉運

重送楊明叔

送董秀才之汝陰

送張子野知渝州

送楊子充知資陽縣

送司馬君實鄆州倅

送陳殿丞知韶州

寄岳州孫屯田

大愚

目錄終

宛陵先生文集卷第三十九

韓子華遺冰

六月侍臣方賜冰我賦得之從友朋開盤一見水  
玉璞置坐百步無青蠅熱膚收汗起疹粟不有消  
渴同茂陵杜子每思赤脚踏韓老嘗苦如飢丞慙  
無二公才與學享此足與俗輩裨

二十二日起居退聞宣三館諸公觀瑞蓮

來朝十二旒將出未央殿微聞嘉蓮開獨許侍臣  
見嘉蓮其如何層樓擁霞片玉輦下天泉日晏不  
知倦恩魚應亦喜跳沫珠欲澣誰憐與眾歸博士



臣疏賤

依韻吳冲卿秋蟲

梧桐葉未老露滴玉井牀秋蟲如里脊促織何苦  
忙苒苒機上絲入夜爲鼠傷織婦中夕起投梭重  
徊徨那聞草根聲膏入然肝腸天子固明聖措意  
如陶唐下民唯力穡不見田疇荒豈知裏斂人替  
責矜健強所以機中女心鬪日月光年年租稅在  
聒耳信已常哀哉四海人無不由此戕吳侯當聽  
時靜坐愛初涼方將同佳人歡樂舉盃觴繁鳴雜  
蟪蛄感愴情不皇況蒙朝家恩兄弟登俊良意慮

宜恤物以慰衆所望今者秋蟲篇不異七月章

陌上二女

素手奉纂羅柔纖明春莢轉眄動桂葉陽語啓瓠  
犀阿姊金盛珠阿妹縑籍圭吹香襲行路豈獨下  
蔡迷

無悔

婦人未四十容貌已改前男年踰五十嗜慾固自  
備勿以色敵心色衰心易遷勿以愛恃久愛移久  
多愁明鏡知惡看何須妬嬋娟

弔瑞新和尚



示化何悲戚俱焚只衲衣已隨原火盡空見野雲  
飛寫影誰方丈栽松舊翠微當年度江鉢弟子獨  
將歸

依韻和吳冲卿新葺南齋

移病新秋散直廬自將僮僕治前除已栽楚客江  
邊草不學嚴陵瀨上漁紅穗拂攔何舊祭綠叢無  
水亦蕭疎從今有月君須飲況與朋親共舍居

江鄰幾遷居

聞君遷新居應比舊居好復此假布囊家具何草  
草我貧無囊做來僮笑欲倒所笑還往人生計不

足道非用僮僕知雖貧自懷寶

聞刁景純侍女瘡已

前時君家飲不見吹笛姬君言彼娉婷病瘡久屢  
治隔日作寒熱經時銷膏脂鑿師尤飲食冷滑滯  
在脾次聞有鬼物水火陰以施乃因道士逐實得  
鬼所爲手洒桃枝湯足學夏禹馳呵叱出門牆勿  
復顧嘔遺今雖病且已皮膚尚尪羸豈暇理舊曲  
未能畫蛾眉當期重相見風月臨前蟬

景純以待兒病期與原甫月圓爲飲

古龍水底鳴素秋江雲不飛江賈愁金陵舊族天



祿游家有善笛能娛侯憶侯前年罷姑孰自買蘄  
州飽霜竹腮肥項瘦裁青玉鑽鑿商聲五音足牛  
渚磯邊夜泊時平波不起月中吹老魚跳舞龜出  
泥雌蛟怨泣雄鼉悲新選中都人罕知交親奏酒  
隔簾幃丹霄一發妙響馳醉客欲見寧非癡昨夜  
劉郎辭玉卮主人勸謝當勿疑渠今纏瘡尚苦羸  
他日海蟾圓未遲圓未遲涼肝脾畏肝熱生腦脂  
生脛脂不得窺

永濟倉書事

神武立四極收兵銷東豪輸糧來萬國積庾下千

艘貌虎肥於秦麒麟老向槽中州無殍餓南土竭  
脂膏黃鼠群何畏青鳩啄且噓古梁生菌耳朽堵  
出蟻螯樹腹懸蛇蛻絲窠挂鳥毛塵埃雖自汨朱  
墨亦能操直宿愁風雨經年弊褐袍仲尼猶作吏  
我輩勿爲勞

依韻和礪守王幾道屯田暑夜懷寄

地厚天青冥故交榮謝并何當一壺酒以昔相與  
傾君今二千石未往戀山楹山楹夜對月孤懷豈  
忘情貴者幾何逝賤者幾何生夏簟且安寢明星  
上東城



依韻和孫侔鴈蕩二首

海邊巉絕有蒼山怪怪奇奇物象閑百丈素流珠  
噴薄千重紅樹火回環遠尋僧寺石屏下時遇野  
人雲屋間今日京華見君說便思輕舸出東關  
鴈蕩高高路莫通銜蘆秋翼入雲峯山頭水濶不  
見影崑下沙平時有蹤千仞柱天何歛閃萬工揮  
筆漫輕濃暮中蠟屐未能著空羨青蒼重復重

赴刁景純招作將進酒呈同會

日光如鎔金湧上滄海流一朝復一朝鑄出萬古  
愁大鑪石破碎世事安得休明月只照夜時時如

屈鉤常娥與玉兔擣藥何所瘳大患不自治更被  
蝦蟆偷我思天地間二物最取尤措置尚如此細  
故曷用憂著書欲傳道未必如孔丘當時及後代  
見薄彼耽周功名信難立德行徒自脩勞勞於我  
生帶挂同贅疣不如聽隣笛就其舉盃甌笛不煩  
教養酒不煩取求從今醉至春從夏醉至秋勿禁  
雞狔魚間薦鶉鴈鳩况多南方物醜腥美咽喉計  
較無以過試共阮籍謀

薛簡肅夫人挽詞四首

蕭公當貴日小吏引輕軒四德有遺美六親無異



言立孤傳世嗣垂軌在閨門澮水終歸柎秋雲逐  
去魂

嘗聞求子婚不似怒甘公莫以昔人比昔爲當世  
雄家聲新慶續國禮舊恩隆必與齊姜墓千秋蠟  
樹同

寇劔將朝去常知好直言戒辭猶可託先見父應  
存瑩白冰兼玉清芬蕙與孫堂塗從此閉何日卜

丘原

美合周詩播魂先岱嶽歸空堂遷舊榻素月照靈  
衣珠翠香沉匣丹青影挂幃百年親戚淚併作露

霏霏

送淮南提刑孫學士

淮南木老霜欲飛順令恐縱諸侯威命書絕出邸  
掾謁已見衣繡車迎歸樂莫我聽筵莫迂清如蟾  
蜍夜吐暉不須久作平反吏自合橫經親帝闈

八月三日詠原甫庭前林檎花

秋蠹無完葉踈叢有瘁莖偶來庭樹下重看露葩  
榮衆自守常理獨開偏見情從今數霜月結子尚  
能成

送河陽通判張寺丞從富公辟子諒



張公愛神鐔佩服近玉麟又拭華陰土光彩一以  
新百里無惡獸千里無冤人今朝欲何之去上延  
平津應當出匣飛騰波決秋旻

送淮南轉運李學士君錫

王都重兵廩命使總八方淮南舟車衝三楚籠利  
長惟時有才彥數計等桑羊八月賜詔行朱旆插  
大航汴湍入秋漲東鼓下鏜鏜今日發大梁明朝  
過睢陽睢陽授經地父老認道傍同業八十八或  
貴或爲郎先生歿大官弟子無荷囊乃知詩書  
傳要在明三綱隋未聞仲淹來學去佐唐唐初

稱名臣鮮及杜與房親凡慕義人專門起輝光我  
聞房杜流已顯惟王張雲漢幾萬里星宇爭耀  
芒歸來立螭頭莫愛魚稻鄉君錫與王伯庸張端明  
同在睢陽蕭文講下

重送楊明叔并序

行而有以贖者助所不足也車馬子有裘服子有  
貨貝子有所可贈者詩言爾故先爲七言以送將  
以道彼美而樂乎往也子不爲重邀予以規又作  
五言應其請

君將會稽去舊蹟可以嬉子因狀其美贈子臨路  
政子不以爲樂但願有以規噫吾豈無說畏子未



及禪既求不語子吾曷忍子欺前年子渡淮夜泊  
洪澤湄有鬼稱使者來告風波期子時再拜謝乃  
被隣船嗤遂巡鬼復至復附船家兒怒彼慢嗤士  
明當使驚危船兒傍舷迴走若一足夔翌日各解  
舟出浦風動旗子獨乘安流彼受橫浪吹比事非  
子傳焉得他人知昨逢令弟蘊備述果不疑越俗  
素重鬼慎勿啓其私子口有仁義子腹有書詩子  
嘗談三道怪語固未宜近聞蘇才翁問子辟者誰得  
非外戚侯子怒已翠眉今我倘得罪甘與蘇同之

送董傳秀才之汝陰

杜燕已歸盡秋鷓鴣猶繞林又爲梁國客不起灞陵  
心徒步赴朋館遠遊無橐金江君丈人意莫入楚

鄉深

鄰幾常  
止此行

送張子野屯田知渝州

舊居苕溪上久客咸陽東歸來得虎符馳馬向巴  
中歌將聽巴人舞欲教渝童况嘗善秦聲樂彼渝  
人風忠州白使君竹枝詞頗工行當繼其美貢葛  
勿怱怱

送楊子充愈知資陽縣

家近古臨邛聞多木蘭樹其人襲芳馨乃有相



如賦成名三十年始見列駕駑鳥出為資陽長秋  
鬢已點素天子愛黔黎歸與蜀民諭當時同洛陽  
過半作丘墓屈指今所存無如君寂故唯酒可餞行  
不飲車空馬駐

送司馬學士君實通判鄆州

君家世典史君復續祖為蘭臺未成書汝陽從已  
知將行我何贈一誦溪堂詩聞彼多蒲魚可助鼎  
與在昔阮嗣宗初赴東平時醉扶乘蹇驢圖畫  
猶可披今見國門外徒馭不驅馳十里馬一歇五  
里車一脂不得同鴈群相送過寒陂

宛陵先生文集目錄卷第四十

寧陵阻風雨

新霜感

過淮

淮陰

抄樞樹

就野人買兔

使風船

淮陰侯廟

又平律一首

入滿浦

許發運見過

登泰山日觀峯

重過瓜步山

發長蘆江口

龍女祠祈順風

西施

金陵三首

丫頭石



漫書

閑家

雪中江寧浦

登采石山

効阮步兵

阻風宿大信口

早發大信口

黃池月下共酌

泊昭亭山下

送鹽官劉少府

和酬杜太師

和簽判謝雨過

和正仲重臺梅花

讀重臺梅花詩

和重臺梅花

和荅正仲見贈

正仲重臺觀重臺梅

和文鑑喜予往還

和達觀穎師

題邵氏園居

嘗正仲惠撥醅

和正仲寄酒

奉雨

春夜聞雨

早春田行

目錄終



宛陵先生文集卷第四十

寧陵阻風雨寄都下親舊

晝夜風不止寒樹噤未休人言雨殺風雨急風未  
柔獨扶慈母喪淚與河水流河水有竭淚泉長  
在眸予生五十二再解官居憂昨者母疾亟骨肉  
相聚愁橐中無一錢緩急何可求母當臨終時囑  
我貧莫羞隨宜具棺殮厚貨墜人頭死事定無益  
生償且無由泣涕聽母言心腸如剜鉤小子雖不  
令長養息曷酬旦夕期速平後事勿預謀願母強  
藥食更延百千秋固云莫望我我魂已飛遊語畢



忽奄逝撫膺呼裂眦未能一物備迷亂將安投艱  
窘見風義乃有令朋倚致賻或錢帛最力李與劉  
廷老禁省及石渠奠助日不周裴楊乞銘蓋文篆  
原甫古復道如晦潭饒兩大艦朝索暮泛浮哀憐荷君子  
才德慙未脩三日遠大梁兩宿此遲留聊書同些  
挽試託楚人謳

新霜感

前日夜上露今日衣上霜我母魂何之膏火糜我  
腸隔棺三寸地如在萬里鄉嗥呼不聞聲飲食空  
置傍昔時憂我寒縫衣紉線長線長必絮厚要與

風霜當又每恐我飢羹臙自調嘗此身內外間莫  
得頃刻忘舉衣不忍着舉筋不下吭一念百感生  
欲問天蒼蒼

過淮

侍親數數來浮汴護櫬迢迢復渡淮旨蓄曾無御  
寒具細君唯有隱居釵月銜遠入魚銜浪潮退長  
汀蚌閣崖素服華顛色相似青銅不忍見形骸

淮陰

天下滔滔久厭秦英雄蛇鼠竄荆榛少年豪橫知  
多少不及沙頭一婦人



杪樺樹 李邕有碑

杪樺古樹常占歲在昔曾看北海碑今日四方  
俱大稔不知榮悴向何枝

就野人買兔

霜濃草白兔初肥蒼鶻調拳獵犬携剩付錢刀買  
庖餽不須緣徑更求蹄

使風船

清淮直上水連天坐看高帆後復前自是乘風有  
遲速不由人力愛爭先

淮陰侯廟

韓信未遇時忍飢坐垂釣歸來淮陰市又復逢惡  
少使之出胯下一市皆大笑龍蛇忽雲騰蛭蝻豈  
能料亡命乃為將出奇還破趙用兵不患多所向  
孰敢標功名塞天地翦刈等蒿藿于今千百年水  
上見孤廟鷺銜葭下魚相呼尚鳴叫高皇四海平  
有酒不共酌古來稱英雄去就可以照

又平律一首

漢家天下將廟古像公主百戰自忘楚一時空王  
齊鄉人奏簫鼓舟子賽豚雞不改寒潮水朝平暮  
復低



入滿浦

馬頭攬岸斗鷲尾泊船齊風送寒潮急雲藏晚日  
低逢人多楚語問客煮吳雞難覓枚臯宅蒼葭處  
處迷

許發運待制見過夜話

許公運國儲歲入六百萬上莫究所來下莫有剝  
怨十年無纖乏功利潛亦建昨除侍從官聊為磨  
世鈍比於以舌得此豈愧物論較量多少間未足  
數劉晏大計苟窘費曷不使預筭欲倍即能倍但  
勿惑謗訕擾民可以奪食官可以竄要付與權衡

一切出果斷嗚呼任智力長短固有限制財猶制  
兵太甚則生亂公譬淮陰侯多多自益辨我今聽  
其談夜去為扼腕書之俟采詩咨訪不可緩

登泰山日觀峯

并序

予泊瓜步山下夢王景彞問韋應物日觀峯詩予  
即誦知語不屬謂景彞曰當為檢韋集覺而函閱  
韋集無此題尚記夢中所誦首句云晨登日觀峯  
遂續補之

晨登日觀峯海水黃金鉞浴出車輪光隨天行無  
礙遂觀則我目攢集如劔鋒照曜萬物興廢滅萬



山草木既無命必聞石間松當時一避雨安得  
大夫封人而苟不過抱簡誦六龍

重過瓜步山

魏武敗志歸孤軍處山頂雖憐江上浦鑿崑山巔  
井豈是欲勞兵防患在萌穎我昔常登臨徘徊愛  
晴景片雨西北來風雷變俄頃疾行下危磴屢脫  
不及整霑濡入舟中幼子喜抱頸問我適何之衣  
濕不太冷昨暮泊其陽月黑夜正求鴈從沙際鳴  
飛枕自耿耿平明夾櫓去廟樹聳寒嶺舉首生  
白雲飄搖水中影

發長蘆江口

篙師施工相整衣龍女廟中來宰豨野祝擊鼓降  
神語老鴉銜肉上樹飛長江無風平似削兩櫓夾  
舸行將歸南國山川都不改傷心慈姥舊時磯

龍女祠祈順風

龍母龍相依風雲隨所變舟人請予往出廟旗脚  
轉旗指西南歸飛帆疾流電長蘆江口發平明白  
鷺洲前已朝膳竹根盃玦不欺人世間然諾空當  
面

西施



濺濺溪流散冉冉石髮開一朝辭浣沙去上姑蘇  
臺歌舞學未穩越兵俄已來門上子胥目吳人豈  
不哀層宮有麋鹿朱顏為土灰水邊同時伴貧賤  
猶摘梅食梅莫厭酸禍福不我猜

金陵三首

恃險不能久六朝今已亡山形象龍虎宮地牧牛  
羊江上鷗無數城中草自長臨流邀月飲莫挂一  
毫芒

金陵逢曉雪撩亂逗雲來已失烏衣巷還成白玉  
臺山盤猶隱見江轉似昭回一聽高樓笛依稀認

落梅

每入秦淮口風波更不憂重看後庭樹還起舊時  
愁故老都無有遺蹤莫可求何人能識意白鷺在

寒洲

丫頭石

此碑也在金陵斷石岡上有吳文肅字焉

丫頭石雖斷文字未全訛年筭赤烏近書疑昔象  
多幾時經霹靂異代見干戈更與千秋看松煤定  
費摩

漫書

蒲葵兩錢扇漫寫未嫌輕老媪持將去無端色不



平

閔冢

吳夫冊中

盜發廣陵冢及扉開石樞中環走徹道高濶可通  
車五尺銅鑄人執兵冠服朱壁石刻位號列侍幽  
宮隅殿將將軍屬侍節常侍俱啓棺見其尸鬚斑  
顏未渝白璧十雙藉雲母一尺鋪黃金塞耳鼻千  
歲不腐枯生為貴與富死與人未殊後世逢暴禍  
雖久將焉如堯舜及周孔豈不固形軀

雪中發江寧浦至采石

泊舟斫枯葭歛火爇岸傍冒嶺雲冥濛漫江雪飛

揚拖水脩網澁出水朱鬢曠然起遠懷風旗轉  
危檣千帆共舛浦棹錯逆水翔落星始前瞻瞬目  
已後相鯨魚何時來揚花吹茫茫沙草不可辨鴈  
立知汀長山頭化石婦忽變素質光豈復願聞笛  
莫逢桓野玉

登采石山上廣濟寺

舩從山下過直上見僧軒繫纜登磯石緣崖到寺  
門短籬遮竹澹危路踏松根却看滄江底帆歸烟  
外昏

效阮步兵一日復一日二首



卷四  
七  
一日復一日一朝復一昏來新去成故俯仰變涼溫  
有貴即有賤未若賤常存騁牛慕孤狔黃犬悲東  
門禍福相為基損益不復言吾祖入吳市應龍非  
伏轅

一日復一日一晨復一夕四序相盛衰三辰運光魄  
下上有常理憂患何時易光爛泣金燃先焚歎薪  
積但願遠世網焚爛不能責麒麟出非時未免西  
狩獲鷗鳥浮洪波心已預海客

阻風宿大信口

東梁如印蠶西梁如游魚二山夾大江早暮潮吸

噓解舟辭姑熟速欲還吾廬風逆未可前泊浦近  
煙墟波中事網罟乘月多夜拏冰灘聚鳴鴈霜葭  
正踈踈是時昂畢中曠渺天地虛靜坐人已眠我  
慮又洗如自起取美酒獨酌邀蟾蜍蟾蜍射白光  
入盞亦躊躇醉來不解舞欲托嫦娥祛昔對謫仙  
人此意復在予既醒裂尺素立作數行書寄與青  
山家精靈其有諸

早發大信口

犬吠知船解村墟尚閉門霜泥粘纜尾冰水閣潮  
痕撇撇鷓鴣去纖纖舳舻昏梅湖到不遠寄信向



田園

黃池月下共酌得池字

將歸謝公郡喜見阮家兒但對月和水那能酒似  
池衰形疑鏡照葆鬢怯霜吹宿鴈不堪託鄉人知  
未知

泊昭亭山下得亭字

雲中峯午午潭上樹亭亭又作大梁客貧留小阮  
醒灘愁舸澁祠信楚巫靈日暮渡頭立山歌不  
可聽

送鹽官劉少府古賢

我祖南昌尉時危棄去仙劉郎後宦日天子治平  
年燥茗山中火熬波海上煙吳民不為盜唯此持  
君權

大師杜相公篇章真草過人遠甚而特獎  
後進流于詠言輒依韻和

杜詩嘗說少陵豪祖德兼誇翰墨高蘇李為奴今  
侍席鍾主北面使持毫

子美祖嘗言律自謂我詩可使蘇李為奴我書可使鍾王北面

郊麟作瑞唯逢趾天馬能行不辨毛一誦東山零  
兩句無心更學楚騷騷

依韻和僉判都官昭亭謝雨迴廣教見懷



賽雨何從事高情苦愛山謝公句後兩與何從  
事聯惠遠過溪間笑處巖相答歸時酒在顏端憂  
守窮巷無力共躋攀

依韻和吳正仲屯田重臺梅花詩

桃花已滿秦人洞杏樹猶存董奉祠莫恠寒梅獨  
多葉只緣樂府有新詩

讀吳正仲重臺梅花詩此詩在重臺王廟

楚梅何多葉縹蒂攢瓊瑰常惜歲景盡每先春  
風開龍沙雪為友青女霜作媒託根迹廟堂結子  
助鼎烹吳侯本吳人筆力高崔嵬但詠同姓木予

非梁棟材

依韻和正仲重臺梅花

芳梅何蓓蓓素葉吐層層近臘寒猶勁先春氣已  
承冷香傳去遠靜艷密還增有意常欺雪無功合  
鏤冰早煙籠玉暖凍雨浴脂凝漢女新粧薄燕姬  
瘦骨稜壓枝唯恐折簇萼似難勝神物終來護江  
鄉未解矜獨竒心豈欲寄遠客何曾不見黃鸝度  
寧防粉蝶凌月光臨更好溪水照偏能畫軸開雲  
霧宮刀翦綵繒都無筆可銜莫信巧堪憑丹杏塵  
多雜天桃俗所稱故林嘗渴望大庾更愁登重和



陽春曲  
聲辭猥媿仍

正仲見贈休道和答

平生好書詩  
一意在抱槩  
既無缺  
劍身  
世遭黜  
黜耻游公相  
門甘自守恬  
淡  
每寒飢  
內愧劇  
刻惜時賴  
二三友  
乞米慰窮  
憐雖然情懷  
惡亦未  
廢誦覽  
如負會稽辱  
欲雪效嘗  
膽作文持  
與人百  
不得一領  
聖猶嗜  
好殊獨取  
菖蒲歎  
我愚希  
六義  
將使鬼神  
感譬彼捕  
長鯨區區  
只持晉青  
天挂虹  
霓踴跂不  
可摩太華  
五千仞  
妄學巨靈  
撼幸且同  
歸近樂在  
井坎蒼髮  
况種存非  
衛髦髮吳  
侯

珠玕姿而來視

色毛 白羨未翅 蝟染

夏有正采安用此  
乃矢辨度  
陂萬頃見澄澹

孟軻患為師  
薄劣亦何敢

正仲社靈濟廟觀重臺梅

玉盤疊捧溪女歸  
魚鱗作室待水  
排竹間山鬼入  
夜啼古廟父閉  
誰啓扉屈原  
憔悴江之沂  
芙蓉木  
蘭託興微  
賈誼未召絳  
灌擗香草  
嘉禾徒菲  
菲曾  
無半辭助  
訶譏國風  
幸賴相因  
依

依韻和昭亭山廣教院文鑑大士喜予往

山暖春煙重  
林昏古寺藏  
溪深過曉漲  
嶺樹見新



行馬去侵雲蹟風未襲野芳禪衣頻斗數蠟屐莫  
趨蹌飛鼠時過擲飢禽或下頰憑欄何所適望堞  
正相當捧膳溪童絮嚼花鹿女香登臨無險絕不  
似畏巖墻

依韻答建觀禪師頴公

霜露每懷感江山空復情老便林室靜坐馱巷童  
聲盡日都無語人亦強迎浮生過半百安用此  
虛名

題姑蘇那居

積水之差

之潤城角竹連

陰鷲入池塘

疎傳

惜索

中金

嘗正

屈原自著漁父篇

及漁父賢世無功名多

浪死劉伶阮籍于今傳邇來獨酌邀明月唯有青

山李謫仙謫仙歿後幾百年市樓日沽千萬錢沉

酒豈少當道眠文字不見空月圓吳均之孫何我

憐雙壺貯醅持置前豈乏阮李詩與瘳淺飲強對

春風妍

依韻和正中寄酒因之





原件短缺

P12以后缺



上字黃封誰可識  
魚傳王氏法應真  
清淮始變醅  
猶薄句水新來味  
更醇欲擬比酥酥  
少色曾持勸  
客客何人紅梅雖  
是吾家物老去無  
心一醉春淮

酒本王九傳  
法於山

春雨

春雨霽霽鳴百舌  
林花淡淡洗燕脂  
眼前耳底催  
人殺不醉三盃

春夜

風味正不

小燈



暗  
鐵  
格



